

er zehenmal erger den dy Indissen pfaffen / Si mogen mit
aller irer list kunst vñ ligē dem Ewāgelio nicht wider stehen
Das merckē sy / drum könne sy nicht meher vffbringen den
sagen vñ schreyē Ketzer Ketzer Ketzer das ist ire beste list wens
aber do mit auß gericht were / vñ heysen auch alle dy dem
Ewāgelio nach volgen luthers Campanien / so bleiben
sy des Enderists Campanien in desselbigen reych gehören
sy auch / Er sagt auch vō wycleif / ich hette vnsern Junckern
vff gezeychent Etliche vrtzig articel Johānis wicleiffs
/ vñ angezeygt wy dy frommen leut dy papisten dy selbigen
vordampft hetten an alle vber windung der heillen schrift /
diss meyn schreybē sticht ym nach ym sinne. W. disse sind al
le vormaldeyete vrsachē den sy des herren werck betriglich
handeln Jere. 47. S: ich hat auch auff das libel so ich vn
seren Junckern zu geschribē dy zwenne spruche Jeeremie
vormaldeyete der do vortrauet in den mēsche / vō welchem
gemugsam gesagt ist den ändern vormaldeyete sey der do das
werck gottis wircket betriglich / nu meinet differ affe pfaffe
solt ich sagen / Alle dy dem Babst nicht nach volgen / sondern
dem Ewāgelio sollen vormaldeyete sein / so es doch clar ist
das differ spruch den gāzen pfessischen hauffen betrifft dy
alle ire werck felschlich betriglich widder / gottis wort vnd
ordenung treyben mit irenfalschen messen vnd vilen plap
perē welch Crist⁹ vorpant Mat: 6. wen ir betet solt ir nicht
vil plapperē wy dy vnglaubigē thun / wy feyn trifft hy Cri
stus dy vnglaubigē pfaffen vñ monche / Mat: 15. Diss volck
eret mich mit iren lippen aber ir hertz ist weyt vō mir / so ha
ben sy auch auß dem edlen testamēt Ihesu Cristi ein lanter
handwerck gemacht welcher vil messen helt vordinet vil
gelt O wee wy sal sich der teuffel mis in messen. W. An ei
nem / kleinem ort des ertreichs bey wenig vorloren kindern
S. O du vormaldeyete bestia wen du das ewāgelio gelesē
hettest wurdst du findē ir solt nicht richten das ir nicht ge